



EUROPEAN COURT OF HUMAN RIGHTS  
COUR EUROPÉENNE DES DROITS DE L'HOMME

ՉՈՐՐՈՐԴ ԲԱԺԱՆՄՈՒՆՔ

**ՆԻԿՈՂՈՍՅԱՆԸ ԵՎ ԱՅԼՔ ԸՆԴԴԵՄ ՀԱՅԱՍՏԱՆԻ**

*(գանգապնեղ թիվ 4396/21 եւ եւս 2-ը.*

*տե՛ս կից ցանկը)*

ՎՃԻՌ

ՍՏՐԱՍԲՈՒՐԳ

14 դեկտեմբերի 2023թ.

*Սույն վճիռը վերջնական է, սակայն կարող է ենթարկվել խմբագրական փոփոխությունների:*

**Նիկողոսյանը եւ այլք ընդդեմ Հայաստանի գործով,**

Մարդու իրավունքների եվրոպական դատարանը (Չորրորդ բաժանմունք),  
հանդես գալով Կոմիտեի հետեյալ կազմով՝

Ֆարիս Վեհաբովիչ [Faris Vehabović]՝ Նախագահ,

Անյա Սիբերտ Ֆուա [Anja Seibert-Fohr],

Աննա Լուիս Բորմանն [Anne Louise Bormann]՝ դատավորներ,

եւ Վիկտորիա Մարադուդինա [Viktoriya Maradudina]՝ *Բաժանմունքի  
քարտուղարի տեղակալի պաշտոնակատար,*

2023 թվականի նոյեմբերի 23-ին անցկացնելով դռնփակ խորհրդակցություն,

կայացրեց հետեյալ վճիռը, որն ընդունվեց նույն օրը.

**ԸՆԹԱՑԱԿԱՐԳԸ**

1. Սույն գործը հարուցվել է «Մարդու իրավունքների եւ հիմնարար  
ազատությունների պաշտպանության մասին» կոնվենցիայի (Կոնվենցիա) 34-րդ  
հոդվածի համաձայն՝ կից ներկայացված աղյուսակում նշված տարբեր  
ամսաթվերի ընդդեմ Հայաստանի Դատարան ներկայացված գանգատների  
հիման վրա:

2. Հայաստանի Հանրապետության կառավարությանը (Կառավարություն)  
ծանուցվել է գանգատների մասին:

**ՓԱՍՏԵՐԸ**

3. Դիմումատուների ցանկը եւ գանգատների համապատասխան  
մանրամասները սահմանված են կից ներկայացված աղյուսակում:

4. Դիմումատուները բողոք են ներկայացրել քաղաքացիական գործով վարույթի չափազանց երկար տևողության առնչությամբ:

## ԻՐԱՎՈՒՆՔԸ

### I. ԳԱՆԳԱՏՆԵՐԻ ՄԻԱՑՈՒՄԸ

5. Հաշվի առնելով գանգատների նույնաբովանդակ առարկան՝ Դատարանը նպատակահարմար է գտնում դրանք քննել համատեղ՝ մեկ վճռի շրջանակներում:

### II. ԿՈՆՎԵՆՏԻԱՅԻ 6-ՐԴ ՀՈԴՎԱԾԻ 1-ԻՆ ԿԵՏԻ ԵՆԹԱԴԻՅԱԼ ԽԱԽՏՈՒՄԸ

6. Դիմումատուները բողոք են ներկայացրել այն մասին, որ տվյալ քաղաքացիական գործով վարույթի տևողությունը չի համապատասխանել «ողջամիտ ժամկետի» սահմանված պահանջին: Նրանք հիմնվել են Կոնվենցիայի 6-րդ հոդվածի 1-ին կետի վրա:

7. Դատարանը վերահաստատում է, որ վարույթի տևողության ողջամտությունը պետք է գնահատվի՝ ելնելով գործի հանգամանքներից եւ հաշվի առնելով հետեւյալ չափորոշիչները. գործի բարդությունը, դիմումատուների եւ համապատասխան մարմինների վարքագիծը եւ այն, թե ինչն է վիճարկվում դիմումատուների համար տվյալ վեճի շրջանակներում (տե՛ս Ֆրիդլենդերն ընդդեմ Ֆրանսիայի [ՄՊ], [Frydlender v. France [GC]], թիվ 30979/96, § 43, ՄԻԵԴ 2000-VII):

8. Ֆիլ ՄՊԸ-ն ընդդեմ Հայաստանի [Fil LLC v. Armenia] (թիվ 18526/13, 2019 թվականի հունվարի 31) նախադեպային գործում Դատարանն արդեն հայտնաբերել է խախտում այնպիսի հարցերի առնչությամբ, որոնք առկա են սույն գործում:

9. Ուսումնասիրելով իրեն ներկայացված բոլոր նյութերը եւ որոշելով մերժել իրավական պաշտպանության միջոցները չսպառելու մասով Կառավարության առարկությունը (տե՛ս վերելում հիշատակված՝ *Ֆիլ ՍՊԸ-ի գործը*, §§ 49-50, *Վասիլյանը եւ այլք ընդդեմ Հայաստանի [Կոմիտե]* [*Vassilyan and Others v. Armenia [Committee]*], թիվ 20193/15 եւ եւս 2-ը, §§ 7-9, 2022 թվականի հունիսի 23, եւ *Լմնցյանը եւ Սլոյանն ընդդեմ Հայաստանի [Կոմիտե]* [*Lmntsyanyan and Sloyan v. Armenia [Committee]*], թիվ 41973/19 եւ 51266/19, § 10, 2023 թվականի փետրվարի 9)՝ Դատարանը չի հայտնաբերել ազգային մակարդակում իրականացված վարույթի ամբողջ տեսողությունը հիմնավորող որեւէ փաստ կամ փաստարկ: Հաշվի առնելով քննվող հարցի վերաբերյալ իր նախադեպային իրավունքը՝ Դատարանը համարում է, որ տվյալ գործում վարույթի տեսողությունը չափազանց երկար է եղել եւ չի բավարարել «ողջամիտ ժամկետի» պահանջը:

10. Հետեւաբար սույն բողոքներն ընդունելի են եւ մատնանշում են Կոնվենցիայի 6-րդ հոդվածի 1-ին կետի խախտման մասին:

### III. ԿՈՆՎԵՆՑԻԱՅԻ 41-ՐԴ ՀՈԴՎԱԾԻ ԿԻՐԱՌՈՒՄԸ

11. Հաշվի առնելով իր տրամադրության տակ եղած փաստաթղթերը եւ իր նախադեպային իրավունքը (տե՛ս մասնավորապես վերելում հիշատակված՝ *Ֆիլ ՍՊԸ-ի գործը*, §§ 62 եւ 65)՝ Դատարանը ողջամիտ է համարում շնորհել կից ներկայացված աղյուսակում նշված գումարները:

#### ԱՅՍ ՀԻՄՆԱՎՈՐՄԱՄԲ ԴԱՏԱՐԱՆԸ ՄԻԱՁԱՅՆ՝

1. Որոշում է միացնել գանգատները.
2. Հայտարարում է գանգատներն ընդունելի.
3. Վճռում է, որ տեղի է ունեցել Կոնվենցիայի 6-րդ հոդվածի 1-ին կետի խախտում՝ քաղաքացիական գործով վարույթի չափազանց երկար տեսողության մասով.

4. Վճռում է, որ՝

ա) պատասխանող պետությունը երեք ամսվա ընթացքում պետք է դիմումատուներին վճարի կից աղյուսակում նշված գումարները, որոնք պետք է փոխարկվեն պատասխանող պետության արժույթով՝ վճարման օրվա դրությամբ գործող փոխարժեքով,

բ) վերը նշված եռամսյա ժամկետի ավարտից հետո՝ մինչև վճարման օրը, պետք է հաշվարկվի վերոնշյալ գումարների նկատմամբ պարզ տոկոսադրույք՝ չկատարման ժամանակահատվածում Եվրոպական կենտրոնական բանկի սահմանած՝ լոմբարդային ռեպոյի տոկոսադրույքի չափով՝ գումարած երեք տոկոսային կետ:

Կատարված է անգլերենով եւ գրավոր ծանուցվել է 2023 թվականի դեկտեմբերի 14-ին՝ համաձայն Դատարանի կանոնակարգի 77-րդ կանոնի 2-րդ եւ 3-րդ կետերի:

Վիկտորիա Մարադուդինա՝

Քարտուղարի տեղակալի  
պաշտոնակատար

Ֆարիս Վեհաբովիչ՝

Նախագահ

ՀԱՎԵԼՎԱԾ

Կոնվենցիայի 6-րդ հոդվածի 1-ին կետի համաձայն բողոքներ պարունակող գանգատների ցանկը (քաղաքացիական գործով վարույթի չափազանց երկար տևողություն)

| Թիվ | Գանգատ թիվ<br>Ներկայացման<br>ամսաթիվը | Դիմումատուի<br>անունը<br>Ծննդյան<br>տարեթիվը   | Ներկայացուցչի<br>անունը եւ<br>գտնվելու<br>վայրը | Վարույթն<br>սկսելու<br>ամսաթիվը | Վարույթն<br>ավարտելու<br>ամսաթիվը  | Ընդհանուր<br>տևողությունը<br>Դատարանի<br>ատյանները     | Դիմումատուներից<br>յուրաքանչյուրին ոչ<br>նյութական վնասի<br>դիմաց շնորհվող<br>գումարը (եվրոյով) <sup>1</sup> | Յուրաքանչյուր<br>գանգատի դիմաց<br>ծախսերի եւ<br>ծախքերի համար<br>տրվող գումարը<br>(եվրոյով) <sup>2</sup> |
|-----|---------------------------------------|--|---|---------------------------------|--|--|--|--|
| 1.  | 4396/21<br>9 հունվարի<br>2021թ.       | <b>ԳՈՌ<br/>ՆԻԿՈՂՈՍՅԱՆ</b><br>1968  | Սիմոնյան<br>Լիպարիտ<br>Երեւան                   | 19<br>դեկտեմբերի<br>2011թ.      | 5 օգոստոսի 2020թ.  | 8 տարի եւ 7 ամիս<br>եւ 18 օր<br>դատարանի 3<br>ատյաններ | 1,800  | 250  |
| 2.  | 12858/21<br>25 փետրվարի<br>2021թ.     | <b>Ստեփա ԻՍԱՅԱՆ</b><br>1958  | Սիմոնյան<br>Մարիամ<br>Վանաձոր                   | 28<br>դեկտեմբերի<br>2016թ.      | 26 հոկտեմբերի<br>2022թ.  | 5 տարի եւ 9 ամիս<br>եւ 29 օր<br>դատարանի 2<br>ատյաններ | 1,500  | 250  |
| 3.  | 22844/22<br>28 ապրիլի<br>2022թ.       | <b>Ընտանիքի<br/>անդամներ<br/>Մարգո<br/>ՄԱՐԳԱՐՅԱՆ</b><br>1937<br><b>Ինգա<br/>ԳԵՈՐԳԱԶԵ</b><br>1972 | Խուրշուոյան<br>Տիգրան<br>Երեւան                 | 8 հունվարի<br>2014թ.            | 29 սեպտեմբերի<br>2021թ.<br>Վերջնական<br>որոշումը<br>դիմումատուներին<br>տրամադրվել է 2021<br>թվականի<br>հոկտեմբերի 30-ին: | 7 տարի եւ 8 ամիս<br>եւ 22 օր<br>դատարանի 3<br>ատյաններ | 1,200  | 250  |

<sup>1</sup> Գումարած դիմումատուներից գանձման ենթակա ցանկացած հարկ:

<sup>2</sup> Գումարած դիմումատուներից գանձման ենթակա ցանկացած հարկ: